

6. PRAVO NA SMJEŠTAJ U USTANOVE SOCIJALNE ZAŠTITE

Pravo na smještaj u ustanovu socijalne zaštite može ostvariti dijete i odraslo lice kojem je potrebna stalna briga i pomoć u zadovoljavanju njihovih životnih potreba, a ne može ih ostvariti u vlastitoj ili drugoj porodici ili na drugi način, a pod uslovima i na način predviđen Kantonalnim i Federalnim zakonom.

Ovim pravom obezbjeđuje se zbrinjavanje:

- a) djece bez roditeljskog staranja, djece čiji je razvoj ometen porodičnim prilikama,
- b) odgojno zanemarene i zapuštene djece,
- c) djece i odraslih lica žrtava nasilja u porodici,
- d) djece sa poremećajima u ponašanju,
- e) samohrane nezaposlene trudnice i samohrane nezaposlene majke sa djetetom do 12 mjeseci starosti,
- f) lica sa invaliditetom i lica s duševnim smetnjama,
- h) starih lica bez porodičnog staranja i
- i) lica koja su ovisna o psihoaktivnim supstancama.

Troškove smještaja snose ili u participaciji učestvuju: lice koje se smješta, roditelji, usvojitelji ili srodnici, koji su shodno zakonu dužni izdržavati to lice, ukoliko im mjesečni prihodi po članu domaćinstva prelaze 15% od prosječne plaće Ze-Do kantona. Učešće se određuje u visini od 100% pripadajućeg dijela prihoda lica koje se smješta. Smješteno odraslo lice, čiji prihodi nisu dovoljna za snošenje troškova smještaja, dužno je iskoristiti

svoju imovinu i druga novčana sredstva za izmirenje troškova smještaja, dok razliku do punog iznosa cijene smještaja snosi Kanton.

Resorno Ministarstvo ima potpisane ugovore sa ustanovama koje prižaju usluge smještaja u Ze-Do kantonu, a to su:

- JU "Dom porodica" Zenica
 - JU "Dom za stara lica Zenica
 - JU "Penzionerski dom sa stacionarom" Zeničko-dobojskog kantona
 - Ustanova "Mala škola" Vareš
 - Ustanova "Sumero centar za podršku osobama sa invaliditetom" Podružnica Zenica i
 - drugim ustanovama van Kantona, kao što su: JU Zavod za zbrinjavanje mentalno invalidnih osoba Bakovići - Fojnica, JU Zavod za zbrinjavanje mentalno invalidnih lica Drin - Fojnica, JU Zavod za zbrinjavanje mentalno invalidne djece i omladine Pazarić.
- Pravo na dnevno zbrinjavanje, ranu intervenciju i podsticaj razvoja djeteta ostvaruje se putem JU "Centar za djecu i omladinu s posebnim potrebama" Ze-Do kanton.

Zahtjev za ostvarivanje prava se podnosi putem centra za socijalni rad ili putem službe socijalne zaštite Doboju-Jug ili Usora. U drugostepenom postupku žalbe rješava Ministarstvo za rad, socijalnu politiku i izbjeglice Ze-Do kantona.

Potrebna dokumentacija za razmatranje i odlučivanje po zahtjevu za ostvarivanje prava smještaja u ustanove socijalne zaštite

Rn. br.	Traženi dokument	Izdat od
1.	Lična karta na uvid na osnovu koje se u Centru za socijalni rad/ Općinskoj službi sačinjava službena zabilješka	MUP Zeničko-dobojskog kantona
2.	Prijava prebivališta-boravišta	MUP Zeničko-dobojskog kantona
3.	Izvod iz matične knjige rođenih od osobe za koju se potražuje smještaj	Nadležna općina/grad-matični ured
4.	Izvod iz matične knjige umrlih za roditelje djeteta ako se radi o djetetu bez jednog ili oba roditelja	Nadležna općina/grad-matični ured
5.	Izjava o zajedničkom domaćinstvu (podnosioca/srodnika)	Nadležna općina/grad-šalter sala
6.	Dokaz o imovini djeteta-odrasle osobe	ZK ured/nadležna gradska/općinska služba za imovinsko-pravne poslove
7.	Dokazi o prihodima potencijalnog korisnika, roditelja, punoljetnih srodnika ili drugog fizičkog lica koji su obavezni izdržavati dijete ili odraslu osobu	
7.1.	platna lista, uvjerenje ili drugi dokaz o nezaposlenosti	Poslodavac/Biro za zapošljavanje
7.2.	uvjerenje o osiguranju za osobu koja nije na evidenciji Bira za zapošljavanje	Zavod zdravstvenog osiguranja
7.3.	ček od posljednje penzije-starosne, invalidske ili porodične	FZ PIO/MIO
7.4.	uvjerenje o katastarskom prihodu	Ured za katastarske poslove
7.5.	Uvjerenje o primanju po propisima u boračko-invalidskoj zaštiti	Gradska/općinska služba za boračko-invalidsku zaštitu
7.6.	uvjerenje o primanju iz oblasti civilnih žrtava rata	Gradska/općinska služba ili Centar za socijalni rad
7.7.	uvjerenje o prihodu obveznika, obavljanju dopunskog rada, uslužne ili druge djelatnosti	Poreska uprava
7.8.	ugovor o zakupu nekretnine	Podnosilac zahtjeva
7.9.	ostala primanja	Nadležna ustanova/organ ili poslodavac
8.	Dokaz o lišavanju roditeljskog staranja (ako se radi o takvom slučaju)	Nadležni sud
9.	Saglasnost roditelja/staratelja	Centar za socijalni rad/Općinska služba
10.	Medicinska dokumentacija/Odluka o potrebi smještaja-dokazi koji proizilaze iz člana 55. Kantonalnog zakona	Nadležna zdravstvena ustanova/Sud

Napomena:

Dokumenti/dokazi pod rednim br.: 2,5,7,9 i 10 ne mogu biti stariji od šest mjeseci
Dokumenti/dokazi se dostavljaju originalni ili ovjerene kopije istog.